

李文恭公遺集

李文恭公詩集卷二目錄

湘陰李星沅石梧著

男

恂 倅

編次

七言古詩

酒星歌贈芙蓉閣侍者

道鄉臺

汨羅江懷古

銀瓶曲

別鶴操

相思樹歌

題洞庭春泛圖

月夜偕內子笙愉對芙蓉小酌

宿辰州界亭驛

望滴水巖

焦桐吟寄蔡雲帆

過石埕諸峯

望武陵山

渝州得內子書

金碧山堂懷古

除夕舟中作

銀杏沱遇風

乞畫

送窮詞

月華篇

并引

益俗尙巫闍城內外號佛聲四時不絕余心厭之
作是詩也

裴公亭雙竹歌

冬夜聞大風作

燕山歌爲楊芝樵北征作並贈周荔腴

芝樵以風雪不欲行詩以速之

懊惱歌

寄羅芝麓

白沙洲遇雨

清浪灘放歌

書威武將軍羅公

廷弼

事後卽贈履平世職

新別離

寄湖北王筠亭

柏心

卽次其和潁州劉海樹太守

初雪用東坡韻之作

和海樹太守初雪再疊前韻

蔡七紉秋歸自蜀中贈予長歌書此報之三疊

前韻

蔡黃樓得仲兄魯巖書詩以誌喜并屬予和四疊

前韻

偕紉秋伯仲登靖遠樓五疊前韻

黃樓惠刻印章以詩誌謝六疊前韻

題鄧容容少尹扁舟問字圖

鹿角守風

題賀虎師小照

懷朱二同木

晚泊高郵貞應祠寄題陶雲汀中丞師漕河禱冰

圖

西楚霸王墓

廖叟雲峯爲芷署治庖饌數載莫知其能畫也丙

戌冬仲蔡子琴少府給畫蘭竹二幅雲峯作山

水爲報其皴染頗得倪黃家法予異而詢之知

嘉慶初隨姜中丞戡平苗過此遂家焉暮年落

拓烹飪自備殆古之隱於屠釣者與爰書長歌

卽以索畫

芙蓉樓

長歌贈江次園

蜀漢故宮瓦硯歌爲朱四石禪作

城南訪郭芝畹遇大風雨作

停琴仵月小照

中秋偕笙愉觴月

芋香山館夜坐朋舊踵至合沅得八人倒用少陵

飲中八仙韻紀之

長至懷賀虎師勞辛咳

朱同木將之黔陽置酒爲別詩以贈之卽次前歲

皖江道中韻

和同木辰陽寄懷原韻

韓侯嶺

平陽望姑射山

南棧平懷李漢三制軍

洗墨池

和晏筠唐懷仙琴歌原韻

賀蘭山石硯歌爲鄧嶰雲制軍作

硯爲芸臺相國寄贈

書西山賑粥紀夢詩後

連州道中作卽題沈竹坪龍湫觀瀑圖

書韓武烈公傳後

題熊雨樓讀書延年圖

題彭棣樓前輩三十六灣釣月圖

晚泊喬口

題呂麗堂觀察射虎圖

熊羆嶺

李文恭公詩集卷二

七言古詩

酒星歌贈芙蓉閣侍者

大羅詖蕩開仙蹕水晶宮殿星如櫛青林幕幕朱鳥翔
軒轅右角旗飄出一朝東皇戲投壺瓊翠闔風吹玉女
藕絲裳照見肌膚似冰雪流霞酒進蒲萄卮酒星亦在
清都列酒星酒醉不辭酒戲向玉女鼓掌啞綠章封事
奏通明匆匆便作人天別十二城三千闕蘭膏香燼須

東坡先生詩集卷二
與敬手折芙蓉辭玉京相思望斷瑤臺月飄泊震川年
復年廿年不到蓬萊室華陽松無脂淮南桂無實蟠桃
碧藕不復陳麟脯羊珠何處乞空餘王母千歲觴龍頭
瀉出藍橋窟朝一斗吸白雲暮三升飲朱蜜青蓮仙人
釣鼈客玉井秋香種丹秫但願長醉不願醒醉時夢跨
蒼鸞謁重入天關汗漫游飛瓊與訂同心結花亦爲之
凋月亦爲之缺紫宮回首幾滄桑銀河流水聲嗚咽讀
君將進酒一闋思君把酒愁千疊酒原君所司莫笑我

獨拙君不憶昔日紅塵小
謫時挽君尙有無量恒河佛

道鄉臺

吾聞軒轅之臺一萬八千丈
黃帝鑄鼎荆山上仙人杭
稻餐丹砂綵龍飛入開天闕
又聞漢川之北杜康臺酒
香噴出流霞杯洞庭茫茫浸
春色糟邱百尺霏紅埃竭
來訪古嶽山麓忽忽重尋宋
儒躅衛覬曾爲漢庭遊李
斯又被秦廷逐天涯芳草路
迢遙茅店雞聲不肯邀黃
葉黃花何處宿一江風雨夜
瀟瀟山僧聞說高軒過列

炬爭迎掃花坐與奴白飯馬青芻爲君沽酒畱君卧彼
此音塵世所望崇臺傑構凌蒼蒼秋風折戟埋銅雀春
雨吳江鎖鳳凰已矣哉法華不聽梵鐘撞濯纓人去空
滄浪祇今鼓棹湘江裏猶向靈山說道鄉

汨羅江懷古

君不見汨羅江水綠茫茫芙蓉泣露秋蘭香哀江南兮
魂不歸一聲啼鵠青穹荒我思公子荆之陽陽臺夢雨
迷巫襄美人姍姍來何暮玉虬纓帶驂翱翔采蘋蕪兮

爲室製芰荷兮爲裳遭回車兮蘅圃結同心兮蕙纓羌
令先路爲君導天地比壽日月光胡爲舞鷄驚斂鳳凰
鳩媒不好雄鳩藏徒令繁飾之陸離長佩之璆鏘攬茹
蕙兮掩涕霑余襟之浪浪我願從君精瓊糧繼馬閭風
浴扶桑我願隨君酌瓊漿遨遊天闕開天閭前有九嶷
之英皇後有洛浦之明璫翠旌孔蓋紛總總赤水不到
流沙長靈之來兮雲飛揚靈之去兮神周章山阿山鬼
嘯秋雨秋風嫋嫋吹瀟湘

銀瓶曲

銀瓶三尺沈睂井月明不見嫦娥影玉京人去悵青鸞
海棠秋淚紅香冷如今薄命不須愁花落東風逐水流
紫殿神仙千萬隊天孫偏要嫁癡牛

別鶴操

請君滿酌紅蒲萄高歌別鶴彈銀槽黃鶴雙飛隴西曲
秋風刷羽湘之臯朝亦同遊遨暮亦同遊遨艾如張兮
北山網冥冥暫借飛鴻逃海陽之山龍嵒高鱣溪溪水

生波濤欲往從之不識路千里萬里空嗷嗷漫天雪片
如花飄襍襍病壓松枝梢何日仙人賦招鶴重來竝翼
凌丹霄

相思樹歌

昔聞鳳皇山上有相思樹紅心不死抱香生千枝萬葉
長依附東風吹綠上蘼蕪可憐春老江南路不見兔絲
與女蘿女蘿生長秋厓暮兔絲顛倒苦無情何處有花
何處住我欲采彼相思子連蜷種滿瀟湘渡淚拋紅豆

泣珍珠月明搖亂春江絮

題洞庭春泛圖

洞庭之水春茫茫照耀日月金銀光中有仙人雲錦裳
片帆飛挂君山蒼重湖遶絕曷可量澎湃八百阻且長
襄陽欲濟徒徬徨月明垂釣歌滄浪天爲巨川作舟梁
蛟龍灑雨崑崙岡璧社清波探琳瑯曲江宴罷簪銀黃
郎官有酒酌一觴雙鳬南渡湘之陽偶爲安流駕餘艎
春漪漲碧堦燒香乾坤吳楚要能荒江湖廊廟心皇皇

自來沅澧迴披猖潭州一葉飄慈航我亦龍門首昂藏
五年待渡津亭傍安得同舟與頡頏浩歌擊楫神飛揚
鴻毛萬里隨風翔赤城霞起搏扶桑

月夜偕內子笙愉對芙蓉小酌

對酒無花酒不香對花無酒花不光今宵花酒亦云樂
壁端明月生秋涼秋閨人意澹如許綺柱含顰嬌不語
風吹艷影入簾來天寒翠袖飄飄舉金尊攜到花深處
凭肩低語畱花住紅情一樣可憐生美人何苦傷遲暮

花亦相逢似相識燕支醉彈釵鈿側癡郎生恐人妬花
道花不及人顏色

宿辰州界亭驛

去年今夜湘城雨兩隊宮毬簇簫鼓紅裙圍著看新人
錦障花明仙珮舞今年今夜界亭眠斜月跣趺半榻禪
漁火江楓何處夢迴文想煞鯉魚箋一年離合情如此
明年消息知誰似兩地相思若箇深梅花香入幽房裏

望滴水岩

辰山百丈嵯峨立上有飛流傾石隙狀如黃河之水天
半來又如珠宮之泉龍噴出白日光皎皎忽聞驟雨聲
中間萬木陰崑號豐鐘響答蛟鼉奔路人仰首皆帽落
藤蘿險絕不可捫巨靈鼉鼉往不再何人手劈此奇怪
濡毫欲寫觀瀑圖天風吹我出雲外

焦桐吟寄蔡雲帆

焦桐爾何材造物苦妬忌既不能爲如何之木一樹千
葉花又不能爲仁壽之華亘天而拔地徒然抱此瑰奇

資破壁荒苔自委棄澤國蛟龍暗不鳴羲皇琴瑟供樵
焚自分前席今已矣安望高山流水聞中郎當代英特
士絲竹清心發妙理一聲砢裂入君懷道是龍門百尺
之倚梓操以鳳尾譜金徽二十五絃彈玉指天風海濤
不肯藏贈之故人渡湘水湘水迢迢贈故人焦桐中夜
發清吟非嗟此曲聽者寡惜哉夫子吾知音星月皎皎
天闕明空堂掩抑如有情安得雲和奏帝廷併作簫韶
鸞鳳聲

過石埭諸峰

冬十二月天風來雪氛掃盡羣山開須臾捧出一輪日
丹光照耀金銀臺荆關畫手畫不得石埭之石何奇哉
不聞仙樂鳴乃見仙班集不登佛座高乃見佛衆立九
天上帝御紫宮翠旌孔蓋排虛空鸞凰欲下忽側翅拳
毛獅子蹲其中或障袂兮若玉女或振衣兮若靈童冠
裳冉冉降階際仰首屈膝難爲容正思清真之體幻如
此倏然又入伽藍叢前有聽經之伏虎後有說法之生

公沙彌屏息拱手侍點頭似與元解通吁嗟乎此境離
奇非下界胡爲吹落青天外一塔偶焉相形耳古人未
盡醜荒怪山經夏鼎恐缺載彷彿千變萬化態米顛往
矣有誰狂道旁我願紛紛拜

望武陵山

昔聞武陵洞今見武陵山武陵之洞不可覓武陵之山
何可攀岡陵往復比如櫛一峰陡插青冥間峭壁摩空
勢子立石牙鱗錯苔花斑其道此山何突然當是飛猿

絕徠之族所往還日光照眼眼如炬觚稜隱起矗烟霧
正殿崔巍宛虹垂長廊廣廈相依附有僧居者百餘衆
終年不入城市路雞犬桑麻自有之何須遠慕秦人住
乃知山水于人間僻境往往生竒趣少文卧遊不能到
快哉我幸與此遇登陟無踪搔首望齋鐘響墮雲間樹

渝州得內子書

一百十日不見家中書中心養養涸水魚三月三日忽
得家人字失喜不問何來寄顛倒怪歎封緘牢鬢雲湧

出青天高閨中腕弱故多態數行秋蚓緣雕毫上言阿
母健餐飯下言嬰女啼棗餠白鹽赤米亦良苦孟光井
臼時能操惟聞渝城江水均苔衣蘚壁生春潮鳳羽瓊
枝擇所巢毋令風雨嗟漂搖我佩此言如瓊瑤細意慰
貼書迢迢隔窻鶯燕歡聲嘈似解離人空寂寥

金碧山堂懷古

君不聞漢朝金馬碧鷄精子淵祀之滇海行滇海故道
不經此咄嗟此山胡爲名有宋築臺雅好事明人重構

堂崢嶸當時賓從盛讌會安知華屋山邱情楹字模
不可讀一山高枕城之麓鳥啼花落幾經年但見萋萋
芳草綠偶攜尊酒陟其顛隔江雲樹森如束俯瞰恭州
十萬家魚鱗重疊層層屋炊烟四散月徐出風送妙香
衣麗最坐聽崇因寺裏鐘沈沈響度簷簷谷

除夕舟中作

去年守歲芙蓉城師弟情親陪笑語今年守歲荔枝園
扁舟坐與篙工侶何處焚香無甲煎何處迎春無臘鼓

一年一渡印鴻泥如萍隨風葉墮雨歸裝細檢錦囊詩
百十三篇高幾許鏤山繪水何足云有時得意成機杼
屠蘇酒熟三酌之耗吾精神聊小補更闌燭炮酒興酣
雄心忽觸聞鷄舞男兒三十立功名我過今宵年廿五
學書學劍兩無成徒然下筆思千古 當時 聖人簡
賢俊多士鴻逵刷毛羽胡爲兀兀窮年間雕蟲篆刻嚇
腐鼠君不聞昔日杜宗武傾倒豪吟示卒伍卒伍報之
以石斧曰斷女手女毋苦毋令才名繼工部祭詩且復

戒作詩大聲告詩詩不許東屯人去幾千秋巫峽雲山
誰作主君歸一路索君詩春風明日涪江浦

銀杏沱遇風

颶母吹澇高丈許灘聲不怒風聲怒晝暝江天日月昏
舟撞石岸蛟鼉語漫空黃沙忽驚散須臾白面皆塵土
孤蓬危坐覺寒生客心夜度湘之浦

乞畫

大顛仙人安在哉苔痕剝落青松煤烟雲慘淡日無色

百年生面誰重開先生生長江之湄浙湖清鏡資胚胎
偶然乘興作圖畫河聲嶽色飛空來堂窪徑尺擁巒嶂
銀潢秋瀉光皚皚墨池傾倒一萬斛乾坤形相須臾該
塗抹家頗負神妙對此下拜心膽摧我昔舟經灩澦堆
奔流格鬪車轟虓巨靈雙掌劈天半石頭壞挂雲容頽
陰岩月黑夜猿嘯吁嗟客子聞之哀慙無險語繪殊態
涪翁坡老相追陪千谿萬壑鬱胸臆磊塊全若山崔巍
安得先生爲我捉奇筆寫我破浪眠孤桅照以岷峨之

積雪走以巫峽之驚雷鋪以少陵之清簟酌以太白之
金杯淋漓元氣生荒齋我卧讀畫心徘徊撫琴動操衆
山響海濤一曲天風迴

送窮詞

咄嗟此窮胡爲哉使我少小擔塵埃路鬼揶揄婦人笑
壯士顏色如死灰光陰儻忽勢奔電春秋冬夏紛相催
一年三百六十日日日不得心懷開租人敦迫况除夕
倉皇避債登謔台點金仙術亦幻耳直須爛醉屠蘇杯

酒酣拔劍發狂叫升斗齷齪非奇才窮乎于我本秦越
若何終歲時追陪結柳車兮山之曲縛草船兮水之隈
更闌燭施誓逐客願爾窮鬼一去不復回

月華篇 壬午九月九日夜漏初下忽月輪如

抱珥雲氣翕戢成五色文凡三重圓廣二丈

許踰時始散作詩紀之

流雲吐月光熊熊秋天洗出金芙蓉一奩明鏡燭滄海
花葩狎獵圍玲瓏或云蟾蜍肆狡獪精靈虛氣當青空

或云重輪暈遙夕譬彼蠓螋歌在東不然七寶修珠宮
手揮巨刃摩蒼穹珊瑚柯綻流霞紅不然仙人翔迴風
霓旌翠珮紛琤琮帷車照耀三千重我時邀月金杯中
仰天大笑真竒逢探懷試取謫仙筆比君藻采將毋同
安得此月化作五色新詩筒寫我長離婉婉之心胸

益俗尙巫闔城內外號佛聲四時不絕余心厭
之作是詩也

青天白晝胡爲乎傾城號佛聲嗚嗚三百六旬有盡日

海波湧咒無時無故鬼已大新鬼小東家甫唱西家唱
雪山嵯峨一萬丈樹杈劍齒森肌膚幡幢左右結香蓋
中間說法尊浮屠和南梵唄不可辨如蠅逐臭鷹集枯
大爲鐘鐃爲鼓鈸細爲鈴鐸爲笙竽爲金鋏鳴爲甲馬
陰愁啾雜雲模糊晦休及月皓明動及日肝飢餐肉一
嚮渴飲酒一壺醉飽紛紛肆大嚼腥羶氣裂齋官厨寃
哉資陽鬼樂哉資陽巫鬼猶子子可餘瀝巫兮肥腩同
豪豬昌黎闢佛亦太勇此邦佞佛亦太誣縱橫遠近十

萬戶豈皆魍魎皆夔魍以鬼豢巫作慈孝子孫百世愚
中愚吳屬鏤魯僕姑我欲借彼刪禿奴焚巫備旱大快
事臧孫刺刺真拘儒君不見祖事圖澄若石虎幼子世
立養子誅佛法到此夫何須

裴公亭雙竹歌

裴公亭枕山之麓中有三竿兩竿竹昨夜春雷捲地來
驚起籜龍上林屋翀霄百尺呈琅玕雙雙玉立森如束
天生風骨自峻嶒安肯埋頭效雌伏葛藟爭爲樛木縈

兔絲喜作蓬麻附屈者竟屈伸者伸如君崛起亦罕遇
竹兮竹兮爾旣衝破烟樓生便須努力青雲路靄填雨
冥會有時何日拏空並飛去

冬夜聞大風作

冬十一月雷無聲飛廉夜逐輶車行長驅林木捲江海
半空蹴踏鼉龍驚時清列屋少劍戟胡爲金鐵鳴鏦錚
須臾陰森砭肌骨濃雲釀雪奇寒生我時擁衾對樺燭
爐然獸炭扃重門俯思窮士敝廬處繩樞甕牖天光昏

一燈熒熒青欲炷捉襟襖裂相如禪當此朔風其迴薄
如蠅被凍無時溫賴得香山之裘億萬領徧人衣被聊
爲恩黃綿襖子青天出茹簷坐負扶桑暎

燕山歌爲楊芝樵北征作並贈周荔腴

燕山百丈生春風御溝雪霽冰初融鶯飛歷亂花滿樹
長安道上連青驄荔腴婉婉文中龍天人射策明光宮
旂旌直指四千里後車却喜芝樵同芝樵此行大不易
臨歧戒且何匆匆憶從戊寅冬甫識芝樵面賤子呻吟

牀席間跳梁二豎來酣戰文魔戰北病魔雄性命危如
髮一綫新知握手貽靈方頓起膏肓藥瞑眈活我深于
升斗恩遂令死生同眷戀肝膽能追廉藺交嘯歌并結
曹劉宴何時尊酒不相隨何日晦明不相見一朝橐筆
走東川判袂河梁各愴然風流雲散別如雨思君愁上
巴人船狂吟拉雜一千字塗鴉寫盡烏蠻箋夔關重疊
忽飛度往往夢到西窓前飢羽倦游還故里倏離條合
雜悲喜更深剪燭話巴山淒涼夜雨情何已繫余徙宅

定王臺迥君賣藥城東市杏花開作兩家春晨夕論心
才尺咫綺裳連襪動經年自分此樂可常時今年正月
月未圓別我蒼黃治行李三山縹緲神仙舟從之共渡
湘江水西登太華北薊門幽并客夜聞鷄起男兒三十
不得志詎甘窮餓伏井底又錢數米日零星坐令英雄
長已矣爭名爭利徒紛紜白眼睨之若敝屣何當薄觀
天子都尺五城排雲邇迤縱橫輦轂游公卿摩挲石碣
搜文史華陰道遇樊將軍蒲桃酒進邯鄲伎陋哉鄉曲

田舍翁槐安婚宦微如蟻出門惘惘色可憐若斯壯遊
眞男子對君肯爲歧路悲送君臨發神徘徊如何一樹
結千影旃檀風過香吹開同時知己二三子雲龍角逐
天之涯璫仙浪跡入嶺嶠花農旅食章江湄京江靜好
若處女邵陵壓線逢良媒朝朝送人暮送我資陽三度
尋鴻泥猶聞二酉秘圖籍健步欲躡青雲梯故人可望
不可卽鸞飄鳳泊長相思易水湯湯聞擊筑古來壯士
知者誰天生我輩豈碌碌不經盤錯非奇才鹽車齷齪

困騏驥長鳴伏櫪何雄哉荔腴海上釣鰲客會須振策
登蓬萊君亦磊落不世出風塵物色當交推吁嗟乎風
塵物色當交推驅車碣石聲歷雷千秋市駿慕高義請
君待我黃金臺

芝樵以風雪不欲行詩以速之

江上孤篷聲郭索正月冰花如雨落同雲四塞嚴寒生
獵獵茫茫浪交搏封姨古無情此舉頗不惡舟勢且前
忽且却榜人愁苦行人樂四日五日湘西門八日九日

彤關泊征囊恐有當歸藥啟視將離轉相謔留君不住
送不去君輩多情甘受縛一別一長歌一歌再三和聽
唱驪駒登末座丈夫出門復入門欲行不行毋乃悞請
乘長風萬里游雪中我已袁安卧

懊惱歌

一樹海棠紅撲簌脂零粉墜東風毒花開花落自傷春
古今薄命同聲哭有女系出天水族芝田舊繞城南屋
阿爺生女不生男十一阿嬌艷妝束可憐併作掌中珠

垂老慰情良勝無教挽青雲上簪髻教裁明月施羅襦
鸚哥製曲拋紅豆龍女穿針刺綠芙姊妹花濃全盛日
門楣奕奕誇名姝就中第五最端好蕙質蘭心容窈窕
袖手羞稱薛女才畫眉懶鬥秦蛾巧長成漸與阿娘齊
隨娘中饋拚描早米鹽薤韭日零星繡箔低垂偏了了
男生當冠女當笄射雀屏開中者誰那知仙窟藍橋女
却與長沙葱肆兒冰下傳辭太顛倒月中按簿多參差
坐遣拙鳩配靈鵲鴉娘龍媼聞之悲女言忼慨明大義

儷皮委聘終身事蘭絮曾參慧業因薦羅自許卑枝施
遂受可汗半子名遂令淳于齊國贅閨房婉婉甘聽從
數年不道狂夫字夫心匪石比石頑夫面匪獸比獸殘
摘裳獨喜入鮑肆中酒且欲傾勾闌有時申申下機勸
眼如戟豎眉刀攢曾聞打鴨尙三歎昏鴟竟忍凌嬌鸞
春慘麻衣飛練雪耶死中庭骨猶熱狼橫獠肆起連宵
有淚無言腸寸絕雲鬢彈地蘂燈寒總帳一聲鑢剪裂
百拜呼耶耶不膺手挽斷絲泣嗚咽回首銀瓶落井年

修蛾斂怨情纏綿搗杵親調湯鼎藥拔釵索備臬廬錢
往事分明不忍訴星冠月帔神悽然禪堂八百應真佛
一齊淚下如流泉吁嗟此恨難消歇鑄錯枉聚六州鍊
昔時美貝重連城今日污泥空獨活我攜懊惱歌問天
天亦沈吟語不發爲報人間選壻家雙睛早借金篦刮
寄羅芝麓

君歸我歸同日夕我館適寓君東壁一過君廬一訪君
促坐呼燈談笑劇阿姨重我姻婭親數奉酒殺列前席

君酌大斗我拍浮顛倒不知誰主客六街宵柝逐人歸
往往杯盤任狼籍連年聚散無常期巴山楚水長相憶
二喬各御人中龍功名豈屑論瑜策來日之日不可知
去日之日良可惜眼前真樂快追歡競與鴻光鬪標格
他時倘寫耕饒圖著我橫吹牛背笛

白沙洲遇雨

行子出門三十里白沙洲前風驟起西風雄敵南風雌
雄雌格鬪湘江水轟雷走電掣金條濃雲盛雨橐無底

始猶颯颯鳴飛泉漸次礪滂激流矢遠村近岸不見人
烟樹微茫暮如紙是時六月火未流矐矐赤日蛟宮愁
望雨初同歲大旱苦雨宛學南冠囚蓬窻點滴甌忽破
補石無計媧皇求熱氣下降濕氣上鯉魚腥過江中流
蝸黏蛸縮坐屏息家門咫尺不可畱此時阿母倚閭望
鬼兮何處維扁舟

清浪灘放歌

昔聞清浪灘水惡今日上灘水暴作北河一綫走漳江

黃流遠從雌鳳落前波未伏後波掀沙礫當關怒相搏
八九纜師背負之長年捩舵愁力弱舟勢斜舉忽顛揚
舟人茹荼交咋愕我心戒臨淵涉險敢云樂所見非所
聞舊游尙如昨夔江日月巴江雷黃牛白狗灩澦堆巨
壑黝深壞雲塞雪浪突起山崔巍習坎入坎不可上石
牙吐漩盤渦開負嵎之夫動干指朔風吹面如死灰嚴
寒袒臂奮全力鼓聲聲啞金聲哀予官漕歎行路噫
吁蜀道何艱哉山不登太行孰云恒霍皆尋常水不泝

岷陽孰云齷齪如馬當當世少見自多怪斯水亦令駭
望洋試遣天吳移入峽冕旒羅拜江之王諸男執蒲子
執穀最後羔雁隨頡頏往日侈然尊大狀至茲俯首形
神僵造物位置無二理有幸不幸乃如此辰河南接滇
黔區往來達官若鱗比微名附驥速置郵遂令奇境得
專美惜乎邵陵大汴河五十三灘險無底爲之先者罕
傳人斷港絕潢不屑齒濟川志在作舟楫將乘長風破
萬里區區清浪一笑過始知觀海難爲水

書威武將軍羅公

廷弼

事後卽贈履平世職

快哉將軍奇男子直以馬革裹屍死當死而死死猶生
忠魂毅魄垂青史大星隕天廿八年光芒耿耿如昨耳
英姿想像酣戰時拔劍斫地雜悲喜秦川古來戈馬場
賀蘭綿亘千萬里邊沙吹面陣雲霾陰山么醜紛如蟻
輪蹄蹴踏塞草枯蔓延隴豫烽烟起官軍銜枚捲帳來
賊軍鋌走靈州里靈州險要一夫當鵠鷗亂叫羣鴟張
驍騎所向自空濶桃花雨濺紅絲韁縱橫轉刃掣飛電

川嶽震撼霆雷碾土門冲前鼓輦怒將帥豈惜傷重傷
獨嗟餘寇未殄滅解鞍血淚流浪浪以心許 國身報

國赤膽斗大死不僵兜鍪鍔鎧狀神立靈威遠鎮青

海疆我 朝勤事有特典勅書姓字標旂常翩翩公子

羽林彥承 恩列戟辰山陽座間捧出雙手帶鵝膏淬

水磨秋霜營門出入一片雪金精閃爍騰西方至今月

黑聞鬼哭龍身倚壁猶昂藏時清天漢洗兵甲會須珠

玉緘戎裝貂蟬累葉世臣後佩刀許作三公王

新別離

月出照君來月落催君去君來妾憾見君遲君去妾悔
見君誤不如不見不相親秋宵却免嫦娥妬雲愁海思
各天涯送君望斷江千樹楊枝蕭瑟柳枝殘幾度挽君
君不住山風吹放馬纓花又繫青驄宿何處

寄湖北王筠亭

柏心

卽次其和穎州劉海樹

冊

太守初雪用東坡韻之作

日暮西風颺霜葉愁坐空山陰欲雪蔡十持書造我廬

仰天大笑冠纓絕酒酣斫地歌莫哀王郎王郎我心折
太阿三尺秋蓮花淬水磨星光不滅怒挽重湖滌胃腸
鯨人泣訴老龍掣擎舟南望岳陽樓樓角雲封散冰纈
豪吟却和潁州守兔管縱橫亂霏屑歐蘇以後無此詩
七百餘年驚電瞥古往今來難合併離緒茫茫那堪說
將軍臨水彈琵琶波心躍出裴賓鐵

和海樹太守初雪再疊前韻

畫意偃寒逗蕉葉綠天破碎捲晴雪中有仙人披羽衣

細嚼清香夢幽絕
潁州官閣花初開
夜深卧聽修竹折
檐鈴撲刺搏沙飛
故風搖燈欲滅
須臾放筆歌陽春
滕六旁噤不得掣
燭龍銜耀照崑山
冰綃凍裂水紋纈
藐姑頰首玉女笑
紙上瓊英落騷屑
星移物換幾作者
茲堂主客去如瞥
六一弟子今重來
韻事竊比項斯說
手攜翠袖浮太白
振笛橫吹三尺鏤

蔡七紉秋歸自蜀中贈予長歌書此報之三疊

前韻

萬里岷江舟一葉推篷十丈峨眉雪南歸夜度荆門關
故鄉雲水空悽絕高秋振袂訪長山失喜驚呼屐齒折
頻年骨肉始懽聚少小雄姿未銷滅當時跨海屠鯨鯢
赤手誤被天吳掣猶餘白地生光明錦字聯翩攢細纈
奴僕庾徐祖屈宋煉冶不拾咳唾屑東烏西兔逼人來
老大傷心才轉瞥酌我金杯爲我歌我醉倚柱愁難說
男兒三十不封侯輪蹄悔鑄青黎鏤

蔡黃樓得仲兄魯岩書詩以誌喜并屬予和四

登前韻

人生骨肉緣枝葉那更他鄉阻風雪巴陵中斷洞庭開
陟岡南望音塵絕驛使無情若有情寄書却與梅同折
一行一字一相思淚迸印泥紅未滅去年對影屋東西
今年雲龍忽分掣色絲花樣苦難工羞拋金線翻新纈
可憐驥尾困英雄盧前王後終何屑潛蛟蛻甲吼雷雨
蠻觸虛名過眼瞥我時局促不得志羈懷祇其寒蛩說
感君兄弟欲歸去匹馬關山夜飛鋏

偕紉秋伯仲登靖遠樓五疊前韻

客子心情辭樹葉
奇涕蒼茫何處雪
武溪溪水毒淫
蠢雨連江吹不絕
靖遠樓高俯大荒
落落論交節肯折
自爾獐狔帖服餘
天狼戢影烽烟滅
敢似飢鷹甫脫鞴
稻粱一飽竟飛掣
如何醜石多于人
雕題鑿齒面生纈
黃塵白晝捲胡沙
雌風堀堞揚灰屑
有時赤足出抱甕
猛獸駭走鳥息瞥
汝我胡爲竄夜郎
古碑莫覓韓陵說
安得攜鎚大白山
怒擊金聲出頑鍊

黃樓惠刻印章以詩誌謝六疊前韻

先生手披金薤葉雲根鑿髓餐紅雪盤螭縮入石一卷
混沌畫破天驚絕狀如峭壁竒峰撐又如老幹枯枝折
大書深刻賤子名億萬千年字不滅是真神物允呵護
丁甲下取霆雷掣燈青月黑發光怪心血指血團成纈
供之几案比鐘鼎肘後大印亦纖屑同時尙卿與淬妃
環立咋嚙貌驚瞥文士好古摹鴻荒巢臼豈落秦漢說
不須更乞切玉刀一枝筆鍛昆吾鍊

題鄧容容少尹扁舟問字圖

太湖二萬六千頃洞庭西浸君山影中有消夏明月灣
碧流重疊開清境青螺白浪不敢喧講經聲出魚龍靜
先生載酒此往還論古源流得修綆鴻荒奇字羅心胷
鉅眼如箕光罔罔吳頭楚尾天一方宦游小住瓜皮艇
懷哉子雲何處居鄉心浩渺江湖迥南風吹夢向林屋
須臾布置當年景風流儒雅古所難吏隱豈屑與噲等
我生偏與資江緣四年三度相周旋師門側席重道義

紀事提要言鈎元赤文綠字讀不盡吁嗟脉望皆神仙
瞥見此燈發長嘯腐儒頗苦拘陳編乘風破浪丈夫事
暫須結伴先生船先生題詩我擊節先生豪飲我扣舷
石公縹緲落眼底靈氣吐納生雲烟嗜奇我亦元亨客
來往吳淞圖畫間

鹿角守風

湖陰三日雲濛濛雪濤怒駭馮夷宮千山萬山一呼走
騎聲雜沓鳴錚鏦榜人咋舌不敢近危沙倚石停孤篷

餘波盪激與舟抗赤兕礪齒鼉鼉衝坐者幾側卧者醒
白晝偃息如秋虫硯池欲凍管城老楸枰那復爭雌雄
忽持大酒醕湖曲湖心奉作琉璃鍾醉起推窗拔劍舞
流星閃爍雙飛龍萬里之行出門始會須破浪乘長風
何來鹿角數延佇柳毅井水魚鱗通洞庭明日朗吟過
布帆直指巴邱東

題賀虎師小照

千秋不見四明子今日重逢畫圖裏煙波瑟瑟雲茫茫

垂楊小艇湘流駛却指吳淞汗漫游坐對江心操綠綺
九霄縹緲珮環飛空青一色天無滓惜哉此曲知者稀
玉山醉卧呼不起何如寫我船窻間不解琴聲解琴理
蕭思話意在松石頗覺清徽汎宮徵停舟南訪伯牙臺
更奏高山與流水

虎師琴腹舊鐫
九霄環珮四字

懷朱二同木

去年飲我梅花屋紙帳銅瓶香撲簌我醉清歌君拍浮
月明喚起花枝宿今年我坐皖江船水邨山店程三千

不見花枝見明月思君笑倚羅浮仙君指九嶷載夢去
秋風我亦淮川渡我挂帆歸君未歸柴扉晝掩人何處
此時小別故依依此際長沙未遠離遠離我忽并州客
南雲朔雪天之涯渭城無復歌嗚咽君不早還我心結
我抱今情君古懽蓬梗分飛那堪說回首蠻鄉酌酒頻
金尊古驛俄前塵花時君我兩相憶一枝欲寄江南春

晚泊高郵真應祠寄題陶雲汀中丞師漕河禱

冰圖

北風捲雪蘆花麤峭寒中樹號飢鳥夕陽欲匿舟行徐
榜人却指高郵湖往者漕使臨江都水堅澤腹畱黎鋪
辦香祝神神鑒孚冰漸曉開千舳艫封章入告 帝曰
俞貞應首被 丹宸書迄茲廟貌濱淮渠翠支寶相靈
旗噓我聆此語感且吁 國家漕事天倉儲四百萬石
荆揚租大者孰若江東區側聞瓠子歌嗚嗚糧艘北運
河流淤黃頭邪訐空千夫 聖教率俾胥海隅海若効
順供轉輸 帝命咨岳衆目瞿 帝心簡在 天心扶

特選開府移姑蘇飛輓次第籌策紆巨舸小編交唱喁
僉曰公力蝗可驅江介徵公民其魚海童奔走惟公趨
公持龍節麾天吳颶母屏息蛙虫如馬銜要路敢睢盱
直以膏血糜砧鈇鯨波不動鬣颿舒出入島嶼聊須臾
津淀賦內充篝車河海異軌今同塗 聖志先定臣功
膚乃知忠直神與俱世有神助如公無惟神節烈公爲
攄公奏奇績神聽愉我昔執經從巴渝五年不見心跡
踟五年一見重牽裾將行未行九日餘回憶禱冰披畫

圖湖亭祠樹煙雲疎今宵倚棹天模糊更深載酌傾金
壺仰視斃社月出初老蛟夜起擎明珠

西楚霸王墓

赤帝生白帝死鬼母哭聲秋夜起火德王秦天定矣咄
哉亞父呼豎子鴻門恨不殺沛公沛公負心非英雄漢
營月暈楚歌慘千金重購頭顱紅大澤給人尙田父漁
舟安見還江東拔山蓋世悲喑啞重瞳清淚如鉛瀉虞
兮數闋美人孤毳圍血濺烏騅馬天意亡項不亡劉紛

紛成敗誰知者我過東阿訪墓門
敝驢殘雪碑陰下有詩不讀大風歌
有酒不酌咸陽野玉魚金盃漢諸陵可
憐一例阿房瓦

廖叟雲峯爲芷署治庖饌數載莫知其能畫也

丙戌冬仲蔡子琴少府給畫蘭竹二幅雲峯
作山水爲報其皴染頗得倪黃家法予異而
詢之知嘉慶初隨姜中丞晟平苗過此遂家
焉暮年落拓烹飪自傭殆古之隱于屠釣者

與爰書長歌卽以索畫

鼃下何來老畫嬰煙雲逋峭荆關後胸藏邱壑不知數
長日胡盧開笑口頭蓬髯戟面皴豚鷄衣垢膩露雙肘
由來繪事識者稀身世蒼茫幾搔首自昔王師南征
苗馬鳴四合風蕭蕭開府行營大官饌八珍縷切紛鸞
刀駝峯翠釜噴香氣如土委地腥羶臊指揮供億若奴
隸黃金一擲輕鴻毛冰寒火熱須臾改流落潭陽今廿
載曾從義帳禦貳兇又著禪裳脩脯醢鬼耕孫讀苦無

資杯酒時時澆磊塊庖廚潦倒不得志潑墨淋漓訴眞
辛邊城山高高挿天枯藤怪石層岩懸江波碧瀟灑不
盡十指椎笨生皴妍軟裘快馬豪少年丁字觸紙心茫
然便操不律奏奇技駟牙肯破青銅錢袖手低眉寂無
語昨遇中郎過蠻府爨焦桐尾入清聽一竹一蘭相爾
汝遂投匕箸倚食案吮毫粗仿佛迂譜聊用白雲持贈
君敢望論交從白杵乃知奇士窮途難飯牛屠狗同聲
歎藩籬之鷄何足數仰視雕鷲摩雲翰樹陰撼撼霜飛

殘子亦北下黃獅灘立須橫幅載歸艇雪香酒熟推篷
看

芙蓉樓

芙蓉樓上月始波我時艤棹秋中歌芙蓉樓上雪初落
我忽歸艘黔水郭去來俄頃印鴻泥夜郎短謫牂牁西
况是龍標送客處一千餘年楚山暮連江寒雨聲淒然
五溪流遠沈蠻烟猿啼鴉噪不知數羝羊幾隊枯莎眠
柳條未春不堪折垂絲似綰離亭別昨歲仙官今旅愁

題詩同補苴垣缺

長歌贈江次園

潭陽東下江滔滔行子歲暮催歸橈前船後船卽須招
如鳥比翼驂連鑣一十九日同游敖凍雲四合風刁騷
灘聲怒挾霆雷號巨石鑿齒森歐刀谿衍偃側形貪饕
吞舟之鯨負山鼇黃獅捲水秋拳毛清浪甕洞雕追尻
仙人板屋懸厓牢仰視目眩聞熊咆銀山矗立江心高
漩渦軸轉迴寒飈恨無缺弩親射潮長年出沒爭纖毫

辰關險度猶怵怵朗川冰霰飛船艚天開曉霽浮桡消
月明鄰舫吹清簫漁歌欸乃烟波遙我時撥悶傾松醪
興酣五嶽雙睛搖放筆欲走千長蛟才盡非敢江淹嘲
敝裘點雪吟髭飄倚蓬負手勤推敲和章重疊披瓊瑤
老將旗鼓今嫖姚白戰不許寸鋏操登壇擊鉢詩兵鏖
走也幾思棄甲逃行行漸入湘之臯天涯倦羽還其巢
欲別不別萍蓬交話長燭淚更深燒長沙地小曾誅茅
里門過從時相遭臘鼓鼕鼕迎歲朝飢盤蘆菹抽生苗

登堂滿酌紅蒲萄快哉君我詩中豪重來題句聯春宵

蜀漢故宮瓦硯歌爲朱四石禪作

雪花掌大飛魚鳧馬蹄凌滑酸風枯惠陵金蟄蝕斑蘚
蜀宮一帶烟模糊炎精西然白帝冷惜哉片瓦於今無
陰雨才才散沙礫魚鱗霜落死央孤何年走入櫟翁几
我友得寶如昆吾玉泥膚膩不盈尺松滋注腹非完瓠
跼蹐薜暴作光怪背文潼綠顏脂塗羞隨銅雀渡漳水
塊土亦可傳成都燈青月黑杜宇泣碧血欲化雙蟾蜍

劍芝小閣坐飄灑古色掩映藏書厨試研萬斛龍香劑
爲我重題出蜀圖

城南訪郭芝畎遇大風雨作

炎官渴走朱輪騎蝸廬側坐蒸煩歎翩然薄暮訪我友
韞厲掣斷青絲絛正思比翼擊凡鳥笑聞丁甲追逋逃
六月無風庭樹號黑雲壓水生波濤阿香推車轉霹靂
騰蛇掣電橫搜牢商羊亂飛老鸛咳須臾白雨珍珠跳
來牛去馬斷行路褰裳不到城東坳嚴更橐橐更促迫

挈壺似欲無今宵吾儕長日願相守矧茲卅日不一遭
忽吟忽歎忽怒罵百喙始可奇愁消眼前分手太倉卒
五嶽崛起中增忉有如奔流下三峽江心巨石爲之撓
縱橫格鬥勢不下馮夷扼吭迴驚飈重要後會其傾倒
與君攜酒冰山椒晦明變幻亦偶爾長嘯一聲天月高
停琴佇月小照

松濤瀉石作秋影流雲銜月出西嶺明河欲落蟾飛遲
三尺冰絳碧天靜瘦玉無聲坐沈寂心字香然銀鴨醒

今夕美人來不來
茶香風定羅衣冷

中秋偕笙愉觴月

纖雲四卷明星稀
金波西上嵌留黎
桂花搖影忽飛動
長沙城郭青參差
九年今夕無此月
一年一度重裴回
與君新婚數羈旅
水窮沅淑山巴夔
啼猿繞樹深竹暗
尚蠻汲澗叢箐低
秋堂滅燭夜岑寂
江船繫榜烟淒迷
雲鬢玉臂幾千里
往往淚落鄜州詩
客久還鄉如在客
名場又苦蜚韁轡
足拳背僂坐矮屋
鼃更響答簷風吹

圍牆插棘不得出咫尺渺若天之涯霓裳思其聆法曲
綵虹肯化丹冥梯獨茲好月兩怙悵廣寒清怨無人知
今年蕊殿大歡喜闌干雙照蓮籤遲莎庭虛敞開抹麗
濃香沁麝熏羅衣徐收繡帙展吟卷玳床搯筆研隄靡
予唱汝和八叉手挑燈起草排烏絲且哦且讚且甲乙
高堂俯眎爲解頤阿兒總角稍識字尋聲漫道團圓詞
阿女學人拜新月嬰婉那省初生時女以己卯
中秋夕生循階笑
談雜跳舞圖畫家慶丹青宜但得年年似今夕相逢美

滿無別離菱角殷紅藕雪白
飢盤交錯栗與梨蟬黃滿
殼酒滿甕羽觴對舉夫何辭
姮娥留酌不忍睡海霞曉
挂樽桑枝

芋香山館夜坐朋舊踵至合沅得八人倒用少
陵飲中八仙韻紀之

今我不啟三昧筵日暮排闥聲鏗然倦鶴踏月驚茶烟
次山挂頰山齋前淡語入妙妙莫傳岳陽一揖梅花仙
虎師同坐吳江船跂腳高唱夜不眠薛門忽上寶劍篇

海筠習靜參臞禪
鞭心直造關洛前
芝朮目短却且前
時以寸管窺情天
食桃戒李年復年
渭陽汪度世所賢
如海納水無萬川
辛階選人如選錢
興來唇齒流言泉
口吃欲墮蛟龍涎
問鷗膽壯能談天
隔屋鷄唱遲歸眠
大笑索我飛觥船

長至懷賀虎師勞辛階

勁風觸屋屋欲裂
瓦鱗珠濺冰騷屑
玉龍酣戰爪甲飛
紅師伏火燄不熱
冬烘先生擁爐坐
陰何靜向寒灰撥

猛憶前年阻洞庭波聲一片鏃金鍊孟婆吹水水府怒
桅竿黑立鴉嘔軋小船頭榜大船尾沙觜似愁老蛟齧
腰肢三日倦局束伸衣却就鹿角歇石子敲鏗累山磴
荒店炊烟晝明滅颯然衝雨入破廟蘚斑密補龍象缺
野僧奉茗意良厚偃僂忽化東郭乞杖頭無錢笑且避
蓬底鼃蛇互蟠屈燕臺春去岱雲回小聚長沙又今日
城南城西一城耳汝我關門自作節招飲生憐飲具
空蠟屐或恐屐齒折乘興不來況興盡孤負梅花半園

雪何如促膝掩船窗對話家鄉剝乾栗

朱同本將之黔陽置酒爲別詩以贈之卽次前

歲皖江道中韻

手君別酒坐君屋暮雨入檐風麗簌街泥滑澆不得歸
剪燈欲借西窓宿無端昨夢君同船船尾泥飲斗十干
醒時大笑捉奇筆詩靈上訴芙蓉仙黔陽遠促征帆去
凍雲閣雪橫官渡楚江寒碧楚山孤彷彿龍標送行處
送君心與君依依餞歲光陰未忍離黃金散盡白髮積

身世似海無津涯話長更短銅龍咽燭淚不乾冰筋結
一樹梅花一首詩三年前事銜盃說巫州我亦往來頻
郵籤差可通音塵郎溪城東水楊柳請君回憶長沙春

和同木辰陽寄懷原韻

同木先生吾老友將別未別兩心綰舲船衝雪促人去
窮臘不得攀凍柳行行舊歲入新歲想像忽若三歲久
昨話清明數百五尙記消寒會四九打門一笑故人來
梅花影裏狂搔首竹籬近市有邱壑松廬雜坐無左右

茨菇切玉荔枝鮮深杯引滿黃封酒酒酣擲筆門奇句
天吳掣海蛟龍吼嗟此音徽感牙曠譬以彫繪施枯朽
往年對榻枕霞眠豈有山靈識誰某書來艤櫂訪陳迹
辰關日暮風瀏瀏驛冷鴉啼春未深村醪欲沽何處有
飛鴻重沓印泥爪下視尺鷃歎纏守前游我亦龍標城
苔垣題字今存否

韓侯嶺

韓嶺直上二十里墓門蕭瑟陰雲起灌木無聲白晝寒

鐘室奇冤沈海底吁嗟祖龍本非龍天意乃屬赤帝子
當年高祖分杯羹父子之親忍如此區區一軍拜大將
不過走狗良弓爾耳語陰謀躡足間眞王佯罵假王死
太阿倒授呂野雞函首西來竊心喜千古英雄一揮淚
功成誰與全終始雪花如掌釣臺高猶記孤蓬泊淮水

平陽望姑射山

昔聞藐姑射疑是海上山天仙化人立雲表珠宮的皪
冰雪顏三千弱水不可渡空青亂落虛無間昨來平陽

望林麓頓覺竒境非塵寰扶桑滉漭送朝日收樓障袂
梳烟鬢粲然一笑啟玉齒黛痕淡掃蛾眉彎瑤花琪草
若俯拾檜柏葱翠蒼苔斑始知方壺與圓嶠但有腰脚
能躋攀荷村老屋在咫尺謂此風景殊蕭間讀書三載
結幽癖青牛白鹿嘗往還何當蠟屐一再過舊游厯厯
盟松關神山縹緲隔眼底因緣無乃山靈慳搖鞭西指
數回顧明霞十里紅斑斕

南棧平懷李漢三制軍

危哉蜀道噫吁噫上溯渾沌沿軒羲十二萬年如奕棋
蠶叢魚鳧空西陲天荒鑿破五丁錐金牛通道夸神奇
我朝聲教訖蠻夷直窮亥步張坤維六合以外平砥
馳獨茲鳥道餘險巇顛崖峭壁青天垂飛鳥愁度猿猱
疑俯偃深澗驚蛟螭若鼎三足一足歆得不蹉跌爭毫
釐潭潭帥府擁節麾大布衽席登黔黎顧瞻行路爲涕
洟赤手宛轉相抱持凸者剗削窪者裨陡作曲勢缺補
之安置妥帖無隳陟磴道緣石粗沙壘橫橋偃虹梁伏

獅間以古柏盤樛枝翠鸞交影雲參差七盤關路何逶迤
迺武侯坡下題豐碑四百餘里幾康達羗童竿叟來熙熙
熙熙靈走告開明知試起謫仙凭峩眉東望太白撚吟髭
惜夫秦棧連巴夔時復壞木陂陀支曲沃往矣嗣音誰
當日萊陽譜聲詩吾宗功德誠肩隨到今寂莫罕文辭
甘棠憩芟何勿思我行奉使周原咨峽雲嶺樹搖鞭絲
步武芳躅安可追爰歌南棧貽來茲高秋振筆善版祠
四山風雨交揮時盤龍蜿蜒鱗之而

洗墨池

寶園寺後烟如織老蛟吐沫秋陰黑水鱗不捲石蟄寒
中有漢時草元墨吁嗟太元固難傳龍威秘笈愁鐫刻
混沌竅鑿七日死童烏咳嗽拾未得但餘奇字揖紅友
蒼帝下瞰不可識夢醒忽吐白鳳凰化作玉清雲五色
雲飛影寂幾千年風弄書聲虫唧唧芙蓉花落講堂空
搔首衡山長大息

謂聶蓉峯先生

和晏筠唐懷仙琴歌原韻

海潮欲上月波冷詩思縈紆不得騁天風一鼓蠻烟開
千山萬山秋夢醒昨來挂席過虎門太空瀉碧無纖塵
蓬窗夜靜發清響琴歌會與琴長存此琴此歌意殊古
如數房序募葬尊懷仙子自抱仙骨誰其耦者爲弄雲
憶昔鍊山囊入蜀戈馬蒼黃勢顛覆血淚橫飛不忍彈
可憐嗚咽啼鵲曲沈埋佛寺老袈裟蓬蒿蕭騷掩林谷
神物晦顯終有時潼川忽返藏雲躡回首紫溪溪上秋
酒闌三醉翁難留重逢霜色在兩鬢琴聲嫋嫋滄浪收

祇今與子同硯席時時感事增太息豐城劍化龍吟孤
顧起筠心訴離臆我持英蕩百粵中啁啾矮屋環鳴虫
酷思冰柱滌俗耳移情浩渺成連通攬子琴歌數延佇
嶺南目送無歸鴻相賞但得松石意以不解解神融融
人生契合那可說幾經散雪幾團雪况茲古調知自愛
生恐烟霧蒙玉質六年不踏湘岩幽白波青嶂緣巴邱
何當秋晚放歸棹乘興復作南溪游撫琴動操衆山響
綠陰枕籍航船酬往日神仙只如此翩然一鶴來相投

賀蘭山石硯歌爲鄧嶰雲制軍作

硯爲芸臺相國寄贈

賀蘭山色玻璃紫月窟秋深凝石髓淬妃策蛻過臨洮
一角燕支卷龍尾娜環仙人種玉芝入手摩挲大歡喜
坐思老友擁節鉞箭激珠江下雙鯉日邊持贈無長物
赭霞照耀蒲昌海天馬鑿蹄鯨掣波汗血斑斕點眉子
端州西洞在肘腋抵十五城能似此峩峩斗杓正北闕
列宿如綦布蘭鐫三台輔星翼華蓋參知政事 天子
使黃扉虛席盼草制金鼎沙隄指顧耳陋哉于闐貢青

鍊鉅伐何止燕然紀我未拜石先拜公鄭重石緣千萬
里願分墨瀋滴蟾蜍割取紅雲渡湘水

書西山賑粥紀夢詩後

吁嗟衆生墮苦海天公垂泣向眞宰賴此菩提度凡心
跣足袒肩大自在想當西山煮賑時一粟一淚哀窮黎
不度金錢度螻蟻雪窗詩夢先徵竒夢緣詩果如相告
卧聽霞宮宣佛號何處風吹米字旗五月粥郎入懷抱
乃知仙佛爭活人活人湯火非常恩八功德水甘露雨

持鉢永締慈悲因信哉有穀詒孫子我友奉持勤積累
將同無量恒河沙一門鼎盛紆青紫

連州道中作卽題沈竹坪龍湫觀瀑圖

昨恐舟行遲今恐舟行速推蓬一笑心顏開神公洞啓
波斯櫛插天蒼壁立于尺古蘚盤花鏤寒綠蜂窠攢簇
露筒眼春湍直瀉嵌岩束石聲水聲相怒撞鶯驚樹杪
下奔瀑白龍蜿蜒不肯住噴薄銀濤莽洄洑得毋瓊霄
弄玉戲晴雲滿山風撼撼不圖蠻荒闕奇境連陽南接

衡山麓麓峰窮窈窕憶吾家五畝烟霞數間屋七年游宦
不還山坐遣山靈笑塵俗對茲恍忽想風景如遇故人
在空谷我友東陽先我游龍湫小憩供眼福惜哉此行
不與偕展畫猶疑興未足胷中邱壑互蟠鬱意匠經營
雜花竹江口縈迴度三峽碧雲深處湟川曲何當點染
數百里天長大紙拓橫幅

書韓武烈公傳後

沔水血濺波汪汪將星晝貫天蒼茫公不死賊百姓死

公身七尺千軍當往日白蓮煽餘孽荆巫秦隴紛披猖
翠翎金甲將家子所向空濶無妖芒十盪十決旗鼓震
再接再厲弓刀強阜川烽燧倏告警如蟻出穴蛇連岡
籲呼聲急救援緩疲癰五百春蠶僵大帥撫膺列校泣
孤羆怒欲吞豺狼馬革裹屍丈夫事拯民水火空拳張
驚猿未落飛燕蹶羅營慘淡嗟彭亡歸元如生目不瞑
誓以毅魄誅麻康父兄泉下執手笑一門雙烈標旂常

聖朝卹典首疆場

恩褒重疊邀

天章贈之提督

謚武烈珥貂執豆雲祚光我從使蜀度北棧定軍山色
高秋黃墓門子丁想諸葛石渠銅柏新祠堂靈輒不行
願依傍兜鍪羽扇驂翱翔宇宙大名絕儔侶公廟乃與
偕烝嘗猗與忠藎必食報令子戰績輝巖廊師干重寄
簡勲舊世家永永傳西涼

題熊雨樓讀書延年圖

君齒視我長三年君才視我雄百篇我鈍如鍊君煉冶
我頑如石君雕鐫胡爲君貌獨常好方瞳元髮神清妍

世人或疑王子晉我亦橋首呼期仝展圖彷彿入夢境
乃歎內景空言詮登山採藥復何事題楹四字真薪傳
奇哉三十六洞天靈樞縹緲開洞泉又豈二十四福地
卿環秘笈君精研醴醴至味苓朮美琅琅高韻鸞鶴旋
芸香芝草接辟褰金函玉版紛聯翩龍鱗不老獨閉戶
豈有霜雪侵華顛問君示夢者誰子何獨慳我蓬萊緣
我從宦海初歸田摩弄日月凌雲烟不求長生煮白石
肯用全力窮丹鉛家藏鄴架三萬軸坐聽脈望盤蝸涎

因君夢悟養生法轉要無夢軒駒眠長公妙語君憶否
飲酒食肉自得仙

題彭棣樓前輩三十六灣釣月圖

我家舊住湘之陰三十六灣深復深門臨洞庭倚筍竹
一湖明月君山沈清宵浩淼盪空碧水天何處漁舟尋
忽忽逢君在圖畫移情宛抱成連琴歎君才俯八表
振衣早躡蓬萊岑蒙詔風馳邊瘴掃桂管電掣么臍擒
高涼繡豸控南粵赤手入海屠蛟鱓胡爲坐對珊瑚竿

銀蟾照向西岩吟多君意釣興偶爾掉頭我已抽朝簪
青蓑綠笠烟波外誰識江湖魏闕心

晚泊喬口

夕陽倒射湘江水赤龍蜿蜒觸天起驪珠下上山半銜
爪甲蜚騰化金紫臨流高詠謝公詩何止餘霞散成綺
杜陵把酒甘夜醉惜乎奇境未覩此畱題爛漫豔喬口
長沙南下一百里

題呂鹿堂觀察射虎圖

使君爲政仁且武風威電燭霆雷怒虎害吾民吾殺之
治害民者如治虎前年猺苗兩負嵎羊泉鳴保操軍符
彫戈一指雨毛血草薤鋸齒無完膚今年虎逸楚粵界
蠻烟尙樹連營砦狂奔投網遂生擒掃除巖穴寢皮快
殺以止殺乃至仁運籌決勝何其神北平怪石猶銜羽
我亦山頭射虎人

熊羆嶺

連岡西上青厓屨雲陰晝黑腥風吹石齒颯颯不可近

深叢突兀撐熊羆振衣下瞰忽軒豁羣峯奔走來肱麾
龍鱗之而鬱盤澗時有鳳竹搖參差永州山水自清洵
獨此蟠豆撐雄奇大造邊隅扼險要屏障欲蔽西南夷
桂海文軫在堂奧么磨乃致勞鞭箠岳王殺賊壯歸嘆
畱題照耀祁山陲

